

Documentario 'El Museo de la Salsa' na Telearuba



ORANJESTAD - Awe nochi Telearuba lo transmiti e documentario 'El Museo de la Salsa'. Ta trata di un museo dedica na Salsa, salsero, sonero, sonera, memorabilia, potret, uniform di agrupacionnan salsero, instrument, cassette, VHS, caratula (hoes) di long play, y hopi mas cu tin di haber cu e genero musical salsa., segun un relato cu nos a haya.

Produccion di e documentario a keda realiza pa George Jacobs, videografo,

y Mirto Laclé, gestor cultural durante lunanan di december 2015 y maart 2016, durante e siman dedica na salsa. Anualmente Puerto Rico ta celebra El dia de la Salsa, durante henter un siman y e ora tin simposio, congreso, tayer y presentacionnan musical, dedica na dicho genero.

Robert Padilla, coleccionista pa casi un mey siglo a dedica su bida na salsa pa medio di coleccion, programanan radial como D.J. y especialista den salsa. Durante bishitanan anterior a palabra pa filma durante e apertura

oficial na maart 2016, na cual ocasion a haci entrevista cu diferente salsero, sonero, musicologo, director di banda, D.J., y mas hende, pa por a realiza e documentario.

Como invitado y conocedo di mundo salsero, a invita Robert Jeandor, salsero y sonero, icono musical Arubano, embahador musical di Aruba y den exterior, pa a comparti cu televidente nan algun convivencia cu mundo di Farandula durante su 12 año na Republica Dominicana y Puerto Rico, Merca y Latino America.